



**PUSAT PENGURUSAN BENCANA (*NERVE CENTRE*) KAMPUS INDUK
UNIVERSITI SAINS MALAYSIA
ISNIN, 31 OKTOBER 2022**

HEBAHAN TERKINI

Merujuk keadaan semasa penularan wabak COVID-19 di Kampus Induk, Pusat Pengurusan Bencana (*Nerve Centre*) ingin mengucapkan jutaan terima kasih di atas kerjasama dan keprihatinan semua pihak membantu dalam pengawalan penularan wabak COVID-19. Kerjasama dari semua pihak serta pematuhan Prosedur Operasi Standard (SOP) yang ketat telah berjaya mengekang penularan wabak COVID-19 dan menamatkan gelombang jangkitan COVID-19 dalam kampus.



Sehubungan itu, beberapa perkara telah diputuskan bagi memastikan penularan wabak dapat dibendung. Berikut adalah beberapa perkara untuk perhatian warga kampus:

1. PENGUATKUASAAN PEMAKAIAN PELITUP MUKA KEPADA STAF DAN PELAJAR

Berikutan keadaan penularan COVID-19 di Kampus Induk semakin stabil dan pemakaian pelitup muka dilihat berupaya untuk mengekang penularan wabak, Pusat Pengurusan Bencana ingin memaklumkan bahawa pemakaian pelitup muka masih **WAJIB**.

Pemakaian pelitup muka diwajibkan untuk **semua warga kampus** terutamanya di kawasan berikut;

- i. Dewan kuliah/makmal/pejabat/kawasan tertutup
- ii. Fasiliti Kesihatan USM (Pusat Sejahtera)
- iii. Pengangkutan awam dalam kampus
- iv. Kawasan tumpuan ramai/sesak (Kafe)

Sebuah Jawatankuasa Pemantauan SOP akan diaktifkan semula bagi memastikan semua warga kampus mematuhi SOP yang telah ditetapkan.

2. PENGANJURAN AKTIVITI/PROGRAM PELAJAR

Merujuk keadaan semasa, dimaklumkan bahawa semua aktiviti/program pelajar di dalam dan di luar kampus terutamanya melibatkan kawasan tertutup adalah **DIBENARKAN** dengan pematuhan Prosedur Operasi Standard (SOP) yang ketat.

Arahan ini **berkuatkuasa bermula 1 November 2022**. Sebarang perubahan dan pindaan tertakluk kepada keadaan semasa dan akan dimaklumkan dari semasa ke semasa.

3. PROSEDUR OPERASI STANDARD (SOP) KULIAH/TUTORIAL BERSEMUKA/PEJABAT

Berikutan keadaan COVID-19 dalam kampus dan kuliah/tutorial telah dijalankan secara bersemuka, berikut adalah beberapa SOP yang perlu dipatuhi oleh warga kampus:

- i. Pemakaian pelitup muka sepanjang kuliah dijalankan adalah wajib
- ii. Pelajar/staf perlu memantau tahap kesihatan sendiri dan tidak bergejala semasa menghadiri kuliah/tutorial/pejabat

Bagi pelajar/staf yang didapati bergejala namun ujian sendiri menunjukkan keputusan **NEGATIF** perlu ke Pusat Sejahtera untuk pemeriksaan lanjut. Pelajar/staf yang bergejala juga disarankan agar mengurangkan pergerakan dan melakukan pemantauan kesihatan sendiri.

4. PROSEDUR OPERASI STANDARD (SOP) PELAJAR SEBELUM KEMBALI KE KAMPUS

Bagi pelajar yang telah pulang ke kampung halaman, pelajar diwajibkan untuk melakukan ujian saringan sendiri COVID-19 sebelum kembali semula ke kampus bagi mengurangkan penularan jangkitan COVID-19 dalam kalangan warga kampus. Pelajar positif COVID-19 tidak dibenarkan kembali ke kampus sehingga tamat tempoh kuarantin.

Bagi pelajar yang didapati bergejala namun ujian sendiri menunjukkan keputusan negatif, wajib memakai pelitup muka dan perlu ke Pusat Sejahtera untuk pemeriksaan lanjut. Pelajar yang bergejala juga disarankan agar mengurangkan pergerakan dan melakukan pemantauan kesihatan sendiri.

5. WAKTU OPERASI PUSAT PENGURUSAN BENCANA (*NERVE CENTRE*) KAMPUS INDUK

Berikut adalah waktu operasi Pusat Pengurusan Bencana (*Nerve Centre*) Kampus Induk:

HARI	WAKTU OPERASI	HOTLINE
Isnin hingga Jumaat	9.00 pagi – 10.00 malam	04-653 6124/2267/6777/6780
Sabtu	9.00 pagi – 4.00 petang	

PPBNC menerima pelaporan kes COVID-19 hanya pada waktu operasi pejabat sahaja dan pemindahan pelajar ke blok isolasi akan diuruskan setelah kes diterima dan butiran pelajar diperolehi. Pelajar dan staf juga digalakkan untuk membuat pelaporan kes secara atas talian melalui kod QR berikut:

Pelaporan Kes Staf



Pelaporan Kes Pelajar



6. WAKTU OPERASI PUSAT SEJAHTERA

Berikut adalah waktu operasi Bilik Gerakan Pusat Sejahtera:

HARI	WAKTU OPERASI	HOTLINE
Isnin hingga Jumaat	8.00 pagi – 5.00 petang	04-653 4948
Sabtu & Ahad	8.00 pagi – 2.00 petang	

Hebahan ini terpakai untuk warga Kampus Induk sahaja dan sebarang perubahan atau pindaan akan dimaklumkan dari semasa ke semasa. Kerjasama dan keprihatinan semua pihak amat diperlukan bagi memastikan penularan COVID-19 berjaya dikawal. Sehubungan itu, seluruh warga Kampus Induk diminta agar mematuhi semua SOP yang telah ditetapkan serta garis panduan bagi mengekang penularan COVID-19.

Warga kampus juga amat dialukan untuk menyertai Group Telegram rasmi Pusat Pengurusan Bencana (*Nerve Centre*) menerusi pautan <http://bitly.ws/ofU8> bagi mendapatkan hebahan dan makluman terkini dari masa ke semasa.

PROFESOR DR. SIVAMURUGAN PANDIAN

PENGARAH

PUSAT PENGURUSAN BENCANA (*NERVE CENTRE*)